

جَزَائِرَ مَحَاكِمَ

جمعه ایرتسی

نومرو	رجب	سنه	شباط	سنه	صحیفه
۶۲۷	۱۴	۱۳۰۹	۱	۱۳۰۷	۹۳۰۹

(اشبو غزته بهر هفته جمعه ایرتسی کونلری چیقار . سنه لکی درسعات ایچون عییدیه یکر می غروش)
 (حسابیه التمش غروشدر . طشره لر ایچون اون بش غروش پوسته اجرتی ضم اولنور . بهر)
 (ندمه سی ینه عییدیه یکر می غروش اولوق اوزره یوز پاره یه هر یرده ساتیلور . درج اولنه جوق)
 (اعلاناتک هر برندن بر عییدیه اخذ اولنور . سنه لکنه مشتری اولوق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسم رسمی

توجیهات

محکمه تمیز اعضاسندن سعادتلو حسین رشدی
 افندی حضرتلرینه قدم واهلیتته مبنی رتبه اولی
 صنف اولی توجیه بیورلمشدر

پیروت ولایتی استیناف محکمه سی جزا دائره سی

ریاستی انقره ولایتی بدایت محکمه سی حقوق دائره سی
 رئیس عزتلو اسماعیل حق بکه

انقره ولایتی بدایت محکمه سی حقوق دائره سی
 ریاستی سوریه ولایتی استیناف مدعی عمومیلکنندن
 مستغنی عزتلو عارف بکه

بتلیس ولایتی بدایت محکمه سی مدعی عمومی
 معاونلکی یوزغاد مدعی عمومی معاونی سابق
 عزتلو احسان بکه

تکه تجارت محکمه سی ریاستی پولنت بدایت

محکمه سی رئیس محمد سیفی افندی به

بولهنت بدایت محکمه سی ریاستی جانبیک
تجارت محکمه سی ریاستندن منفصل ارتین افندی به
تقویض بیورلشدر .

(محکمه سی مدعی عمومیلرینه و مدعی عمومی)
(بولنمیان محاللمدعی عمومی معاوئلرینه یازیلان)
(تحریرات عمومی صورتیدر)

۱۳ تشرین ثانی سنه ۳۰۷ تاریخلی تحریرات
مخصوصه ایله اشعار و اخطار اولدینی و جهله
محاکمه تجارت ایله بولنره قیاساً متشکل بدایت
محکمه لرندن مأموریتجه وقوعبوله جق ترقی و تبدل
کبی وقوعاتی حاوی اوله رق هر آی ارسالی لازم
کلان وقوعات جدوللرله صندوق عائداتنک مقدار
و کفایتی مبین کوندلرلی مشروط اولان قطع
حساب بوصله لرله ذماتنک ارسالی ایچون تحریرات
مذکورهنک وصولی تاریخندن معتبر اولق اوزره
شورای دولت قرارینه مستنداً تعیین و تجدید
اولسان الی آی مهل و مدتک کذران اتمکده
اولدینی حالده هنوز برکونه اجرا آته مبادرت
اولنامش اولدینی بوکره باتذکره سامیه تبلیغ
بیوریلان تقاعد صندوقی نظارت جلیله سی
تذکره سی مندرجاتندن اکلاشلش و بر موجب
اشعار مهل معین مذکورک ختامی آننده عائدات
واوراقی کوندره یانلرک تحت محاکمه به النملری
مقرر بولنمش اولمغله تکرار لازم کلانلره اخطار

(فی ۱۴ رجب سنه ۳۰۹ وفی ۱ شباط)
(سنه ۳۰۷ تاریخده بالجله ولایات استیناف)

حال اولنمسی سیاقنده شقه ترقیم قلندی .

قسم غیر رسمی

قره حصار صاحب سنجانی بدایت محکمه سی
جزا دائره سنک سلج ربیع الاخره سنه ۳۰۸ و ۳۰۹
تشرین ثانی سنه ۳۰۶ تاریخ واون یدی نومرولی
اعلامیله اوراق متفرعه سی باش مدعی عمومیلک
مأموریت علیه سندن ۲ ذی الحجه سنه ۳۰۸ و ۲۶
حزیرا سنه ۳۰۷ تاریخ وطقور یوز یکریمی بر
نومرولی تبلیغنامه ایله محکمه تمیز جزا دائره سنه
ویرلیدیکندن مطالعه اولندی .

اعلام مذکورک مالی قیادی قریه لی جلیل
اوغلی جلیلک وقوعبولان قتلندن طولایی جنایتله
اتهام اولسان برادرری رنجیر علینک بالمحاکمه ثابت
اولان فعلی قانون جزانک یوز یتیش دردنجی ماده سنه
موافق اولمغله ماده مذکورک حکمنه تطبیقاً اون بش

سنه مدته کورکه قونلمسی حکمنی حاوی اولوب
تبلیغنامه ده دخی متهمک یجانی بن صوقدم بن
اولدوردم دیدیکنه دائر شهادته وصور سائر به
نظراً کرچه متهمک قتلک خطاء وقوعی حقنده
اولان مدافعه سنک ردینه دائر محکمه نک قراری
مصیب ایسه ده اخبارات واقعه نک کوستردیکی
صورت وقعه به و متهمده دخی آز جوق اثر تعدی
کورلمسنه و محکمه نک ذهابی کبی متهمک مقتولک
التندن کندی کندی چقدیغه دائر بر کونه
خبر اولیوب بالعکس مقتول متهمک اوزرندن
الندینی جمله اخباراتدن بولنمسنه و متهمده قتل
قصدی اولدینی کذلک روش وقعه ایله ظاهر
اولسنه نظراً تطبیقه اصابت کوریه مدیکندن
اعلام مذکورک نقضی طلب اولنمشدر .

اوراق سائر دخی قرائتله تدقیقات تمیزیه اجرا
اولندقدن مقتولک متهمک اوزرنده بولندینی
عندالمحاکمه ثابت اولمش ایسه ده متهم طرفندن اولجه
مقتول جرح اولنهرق مقتولک جان آجیسی ایله
متهمی التنه الیغنه وجرحک تأثیریه حصولی طبیعی
اولان ضعف اوزرینه متهمک مقبولک التندن
قالقمش اولدیغه دائر محکمه نک وقوعبولان ذهابی
بردیل و اماره به مستند اولیه رق احتمالاتدن

عبارت اولدینی مجرمیت قراری مطالعه سندن
اکلاشلمسنة ودلائل و اماراته مستند اولیه رقی
صرف ذهابه مبتنی بولسان قرارلرک کائن لم یکن
حکمنده عدی جمله احکام قانونیه دن اولوب
تبلیغنامه ده محرر اعتراضاتدن بریسیده بوجهته
حائذ بولنمسنة مبنی اعلام مذکورک اصول محاکمات
جزائیه قانوننک اوچیوز اون دردنجی ماده سی
موجبجه تقضنه و خرج تعرفه سنک اونوز سکرنجی
ماده سنه توفیقاً نقض اعلامی خرجی اولان ایکی
یوز غروشک بالتحصیل محکمه تمیزه ارسالی لزومه
۲۴ تموز سنه ۳۰۷ تاریخنده قرار ویرلدی.

فی ۱۷ جمادی الاخر سنه ۳۰۹
وفی ۶ کانون ثانی سنه ۳۰۷

صاروخان سنجانی بدایت محکمه سی جزا
داره سنک ۱۸ ربیع الاول سنه ۳۰۷ و ۳۱
تشرین اول سنه ۳۰۵ تاریخ و یوز سکسان طقوز
نومرولی اعلامیه اوراق متفرعه سی باش مدعی

عمومیلک مأموریت علیه سندن ۵ صفر سنه ۳۰۹
و ۲۸ اغستوس سنه ۳۰۷ تاریخ و بیک طقوز یوز
طقسان طقوز نومرولی تبلیغنامه ایله محکمه تمیز
جزا دآره سنه کوندردلیکنندن مطالعه اولندی.

مذکور اعلام مالی نفس مغنیه سادده ساکن
دکرلیرک مخدومی محمدک وقوعبولان قتلدنطولای
جنايته اتهام اولتان مذکور مغنیه سادده واقع عطار
خواجه محله لی چولحه اصنافدن محمد نام دیگر
شاشاق اوغلی ابراهیمک عندالحاکمه قانون جزانک
یوز یتش دردنجی ماده سنه تطبیقاً اون بش سنه
مدتله کورکه قونلمسنة حکم اولندیقنه دآر اولوب
تبلیغنامه ده دخی محاکمه ضبطنامه سنک اقسامی
امضایله تأمین اولنمیه رقی آجیق براقلمش و کرچه
دیگر قسمده ضبط سابقک قرائت اولدینی محرر
ایسدهده بو صورت محاکمه نک قسماً اولسون
صورت سالمدهده جریانی تأمین ایدن قاعده نک عدم
اجرائی موجب کوریه مامش اولدیقنه ومعافیه
وقعه نک صورت جریانی حقنده مخبرلرک افاداتی
موافق کوریه مامش و بعضی سنک مضبوط افاده لری
دخی بعض مرتبه محکمه ده کی سوزلرینه میان
بولنمش اولسیله بناء علیه اولباده تعمیق تدقیقات
ایدیلرک سبب مبادت حل اولماش ایدوکنندن

بجمله اعلام مذکورک نقضی طلب اولنمشدر.

سائر اوراق دعوی دخی قرائتله تدقیقات
تمیزیه اجرا اولدقدده مأموریت مشارالیهانک
سالف الذکر تبلیغنامه سنده سرد اولتان اعتراضات
بجای و نقض حکمی موجب اسباب قانونیه دن کورلمکله
بموجب طلب اصول محاکمات جزائیه قانوننک
اوچیوز اون دردنجی ماده سنه توفیقاً اعلام
مذکورک تقضنه و اعلام خرجی اولان ایکوز
غروشک بالتحصیل محکمه تمیزه ارسالی لزومه
فی ۱۱ کانون اول سنه ۳۰۷ تاریخنده قرار
ویرلدی.

فی ۱۸ جمادی الاخر سنه ۳۰۹
وفی ۷ کانون ثانی سنه ۳۰۷

منقشا سنجانی بدایت محکمه سی جزا دآره سنک
۵ ذی القعدة سنه ۳۰۶ و ۲۱ حزیران سنه ۳۰۵

تاریخ و ایکوز ایکی نومرولی اعلامیه اوراق
متفرعه سی باش مدعی عمومیلک مأموریت علیه سندن
۵ ذی الحجه سنه ۳۰۸ و ۲۹ حزیران سنه ۳۰۷
تاریخ و بیک اونوز درت نومرولی تبلیغنامه ایله
محکمه تمیز جزا دآره سنه ویرلدیکنندن اوقوندی.

اعلام مذکورک مالی حاجی احمد اوغلی محمدک
قاتلی اولق جنايته اتهام ایدیلان حضر اوغلی حسینک
بالحا که سکر سنه کورکه قونلمسنة قرار ویرلدیکنی
حاوی اولوب تبلیغنامه ده دخی متهمک قرنداشی
اسماعیل ایله بالنزاع قرار ایدرک مقتولی برحیات
اولدینی حالدده براقدیغی سو یلمش اولسنسنة نظراً
بوجهت حقنده تدقیقات تعمیق ایدلک و جرمک
نوعی مجرمیت قرارنده تعیین و تقدیر اولنمق لازم
کلورکن بولردن ذهول ایدلش اولدیقندن بجمله
اعلام مذکورک نقضی طلب اولنمشدر.

اوراق سائر دخی قرائتله تدقیقات تمیزیه
اجرا اولدقدده تبلیغنامه ده مندرج اعتراضات بجای
اولدیقندن اصول محاکمات جزائیه قانوننک اوچیوز
اون دردنجی ماده سنه توفیقاً اعلامک تقضنه و ایکی
یوز غروش اعلام خرجک اخذیه محکمه تمیزه
لزوم ارساله ۱۸ تشرین ثانی سنه ۳۰۷ تاریخنده

قرار ویرلدی .

فی ۲۲ جاذی الاخر سنه ۳۰۹

وفی ۱۱ کانون ثانی سنه ۳۰۷

اولندیغنی مبین اولوب تبلیغنامه ده دخی مدافعه
شهودینک پوصله سنک و قتيله مدت قانونیه سی
ظرفنده ویرلدیکی تحققی ایتماسندن ناشی اولباده
اولان طلب رد ایدلمش ایسه ده بویله احواله
متهمک لهنه تعلق ایدن جهتک التامی قاعده کلیه
ایجابندن اولغله برابر بوباده اولان طلب شهادت
واقعه طعی دخی مبین اولمسیله بویوله اقامه سی
ایشیتیلان شهودک هر حاله استماعی اصول محاکمات
جزائییه قانوننک ایکوز یتمشنجی ماده سی مفهومه
موافق دوشه جکنه و خصوصیه تظاهر حقیقت
ایچون رئیس افندینک صلاحیتی استعماله دخی
برکونه مانع اولدیغنه مبنی اولباده اولان رد
قراری مصیب اولدیغندن و فعل قتلك خطای
وقوعی حقنده وکیلک طلبی رد اولدیغنی حاله فعل
قتلك منشأ واسبابی نه اولمق لازم کله جکنک تدقیقه
نوع جرمک مجرمیت قرارنده تصریحی مقتضی ایکن
بوئدن ذهول اولمش ایدوکنندن بختله اعلام
مذکورک نقضی طلب اولتمشدر .

اوراق سائر دخی قرائتله تدقیقات تمیزیه
اجرا اولندقدده تبلیغنامه ده سرد واتیان ایدیلان
اعتراضات وارد و بجا و نقض حکمی موجب کورلمش
اولدیغندن اصول محاکمات جزائییه قانونک اوچیز

طربلس شام سنجانی بدایت محکمه سی جزا
دائرهنک ۲۷ ذی القعدة سنه ۳۰۶ و ۱۳ تموز
سنه ۳۰۵ تاریخلی اعلامیه اوراق متفرعه سی باش
مدعی عمومیلک مأموریت علیه سندن ۱۷ صفر
سنه ۳۰۹ و ۹ ایلول سنه ۳۰۷ تاریخ وایکییک
اوچیز طقسان اوچ نومرولی تبلیغنامه ایله محکمه
تمیز جزا دائره سنه کوندرلدیکندن اوقوندی .

مذکور اعلامک مفادی حافیتا قضاسنه تابع
غطاسیه قریه لی حسین بن سلیمان زهره نک قتلندن
طولای جنایتله اتهام و محاکمه لری اجرا اولنانردن
حسین بن محمد زرقلک من غیر تعمد قتل مذکوره
جرائی نابت اولدیغندن مجرمیتنه و قانون جزانک
یوز یتمش دردنجی ماده سنه توفیقاً اون بش سنه
مدتله کورکه قولمسنه و عبد الهادینک برائتته حکم

اون دردنجی ماده سنه توفیقاً اعلام مذکورک
جنایت حکمنک نقضنه وایکیوز غروش اعلام
خرجنک بالاستیفا محکمه تمیزیه لزوم ارسالنه
۱۹ کانون اول سنه ۳۰۷ تاریخنده قرار
ویرلدی .

فی ۲۰ جاذی الاخر سنه ۳۰۹

وفی ۹ کانون ثانی سنه ۳۰۷

قریه لی شریف بن مختارک کیفیت قتلندن طولای
جنایتله اتهام اولنان عن اصل یافوه لی اولوب قریه
مرقومه ده ساکن طاهر بن حسنک قتل مذکوره
تعمداً اجتناسازی عندالمحاکمه نابت اولدیغندن
مجرمیتنه و قانون جزانک یوز یتمشنجی ماده سنه
توفیقاً اعدامنه حکم اولندیغنی حاوی اولوب
تبلیغنامه ده دخی ورثه مقتولک حق شخصیدن طولای
بالرافعه معارضه دن منعی حاوی ویرلمش اولان
اعلام شرعی جانب جلیل فتواخانه دن ۲۵ شعبان
سنه ۳۰۸ تاریخلی ظهریه ایله تصدیق قلمش
اولمسیله اعلام نظامی و متفرعاتی تدقیق اولندقدده
متهم وکیلک اول و آخر واقع اولان مدافعاتندن
بعضیسنک مسکوت عنه براقلیدی اکلشلدیغنه
ومتهمه برقاج کشی طرفندن ایکی قورشون اتلیدی
محکمه نک تحت تقدیرینه کیرمش اولمسنه و مقتوله
بر قورشون یاره سی بولمسنه کوره بوباده
دیگرینک اتلیدی قورشونک اصابتی تأثیرندن حاصل
اولمش اولمسی احتمال قوی اولدیغنی حاله بواحتالی
رفع و ازاله ایدر اماره و داییل اولدججه احتمال
مذکورک وجودیه برابر فعل قتلك فاعلنک متهم
مرقوم اولدیغنه حکم اولمسی احتمال شقینده
احکام قانونیه متهمک لهنه تفسیری حقنده اولان
قاعده کلیه قانونیه به مخالف اولغله برابر مرقومک

پرزرین سنجانی بدایت محکمه سی جزا
دائرهنک ۱۷ مارت سنه ۳۰۵ تاریخ وایکی
نومرولی اعلامیه اوراق متفرعه سی باش مدعی
عمومیلک مأموریت علیه سندن ۸ ربیع الاول
سنه ۳۰۹ و ۳۰ ایلول سنه ۳۰۷ تاریخ وایکی
بیکی یدیوز یکریمی یدی نومرولی تبلیغنامه ایله
محکمه تمیز جزا دائره سنه کوندرلدیکندن
اوقوندی .

مذکور اعلامک مالی پرزرینه تابع مالوشه

قائلك تعين و تقديرى حالنده قانونك تعريفى
وجله متهمك بوقلى اولجه ذهنده تصور و تصميم
اينديكى مرتبه ثبوت ايصال ايده جك بر دليل
واماراتك و اكاسب اولور بر ماده نك وجودى
لابد اولوب حالوكة سبب قتل بيله مجهول ايكن
قل مذكورك بقتة وقوعندن بلا سبب واماره
تصور معناسى استخراجى ايله تعمده حكم اولنمقده
دخى اصابت كوريله مديكنه ولايحه تميز يه نك بو
جهتلى تضمن ايدن مندرجاتى بجا ايدوكنه مبنى
اعلام مذكورك تقضى طلب اولنمشدر .

اوراق سائر دخی قرائتله تدقیقات تمیزیه
لدى الاجرا تبلیغنامه ده سرد و تعداد ایدیلان
اعتراضات بجا و وارد و نقض حکمی موجب اسباب
قانونیدن اولدیغندن اصول محاکات جزائیة قانونك
اوچوز اون دردنجی ماده سی موجبجه اعلام
مذکورك نقصنه وایکوز غروش اعلام خرجك
بالاستیفا محکمة تمیزه لزوم ارساله ۱ کانون ثانی
سنه ۳۰۷ تاریخده قرار ویرلدى .

فی ۲۹ جمادی الاخر سنه ۳۰۹

وفی ۱۸ کانون ثانی سنه ۳۰۷

ارضروم ولایتی استیناف محکمه سی جزا
دائرة سنك ۲۶ شوال سنه ۳۰۸ و ۲۳
سنه ۳۰۷ تاریخ ویکرمی سکر نومرولى اعلاميله
اوراق متفرعه سی باش مدعی عمومیک مأموریت
علیه سندن ۵ صفر سنه ۳۰۹ و ۲۸ ایلول سنه ۳۰۷
تاریخ و بیك طقوز یوز التمش اتی نومرولى
تبلیغنامه ايله محکمة تمیز جزا دائرة سنه کوندرلدیکندن
معالمه اولندی .

اعلام مذکورك مالى اغویران و پرمقصر
قریه لری اهالیسی میانده ظهور ایدن منازعه نك
انتاج ایلدیکی جرح و قتل ماده لرندن طولای جنایتله
اتهام اولنان محمد چاوش و قدیر ايله فراری رزقو
و عبداللهك قانون جزانك یوز یتیم دردنجی
ماده سنه توفیقاً اون بشر و فراری حسونك قانون
مزبورك یوز یتیم یدنجی ماده سنه توفیقاً اوچ
سنه مدتلرله کورکه قونلملر بنه و جاهاً و غیاباً قرار
ویریلرله قهیم قلندیغنی حاوی اولوب تبلیغنامه ده
دخی اعلام مذکورك حکم وجاهی جهتی لدى
التدقیق مدافعات مسروده نك غیر وارد اولدیغنی
دلائل ثبوتیه دن بختله مجرمیت قرارنده کوسترلش
ایسه ده بومدافعه لرك اسباب موجب رده سی تعداد
و تصریح و برده قتل فعلیه مجرمیلرینه قرار

ویریلانلرك درجه فعل و تعدیلری و صورت
اشتراک لری تدقیق و توضیح ایدامش و جریحه لرك
تأثیر و درجاتی و مرقوملرك صورت تعدیلرینه
موافق اولوب اولدیغنی نظر دفته التامش اولمسندن
ناشی اعلام مذکورك حکم وجاهی جهتك تقضى
طلب اولنمشدر .

رأساً تابع تمیز اولان حکم وجاهی جهتندن
طولای اوراق سائر دخی قرائتله تدقیقات تمیزیه
اجرا اولنمقده تبلیغنامه ده درمیان اولنان اعتراض بجا
و نقض حکمی مستلزم اسباب قانونیه دن کورلدیکنه
مبنی اصول محاکات جزائیة قانونك اوچوز
اون دردنجی ماده سی موجبجه اعلام مذکورك
بوجهتك نقصنه و اعلام خرجی اولان ایکوز
غروشك بالتحصیل محکمة تمیزه لزوم ارساله
۱۲ کانون اول سنه ۳۰۷ تاریخده قرار
ویرلدى .

فی ۳ رجب سنه ۳۰۹

وفی ۲۱ کانون ثانی سنه ۳۰۷

شهر زور سنجانغی بدایت محکمه سی جزا
دائرة سنك ۵ صفر سنه ۳۰۸ و ۸ ایلول سنه ۳۰۶
تاریخ و سکسان بر نومرولى اعلاميله اوراق
متفرعه سی باش مدعی عمومیک مأموریت علیه سندن
۵ صفر سنه ۳۰۹ و ۲۸ اغستوس سنه ۳۰۷ تاریخ
وایکی بیك اوتوز درت نومرولى تبلیغنامه ايله
محکمة تمیز جزا دائرة سنه کوندرلدیکندن مطالعه
اولندی .

مذکور اعلام مالى رواندز قضاسنه تابع
دیره ناحیه سنك زراری عشیرتندن عزیز بن
مصطفياك و قوعبولان قتلندن طولای جنایتله اتهام
اولنان قضاء مذکورك تابع یاقوبان قریه لى قادر
بن حسینك عندالحاکمه قانون جزانك یوز یتیم
دردنجی ماده سنه تطبیقاً اون بش سنه مدتلرله کورکه
قونلمسنه حکم اولدیغنی حاوی اولوب تبلیغنامه ده
دخی متهم ايله مقتول یکدیگرینی ختجرله جرح
ایلدکرینی و فقط قنغیسنك ابتدا جرحه جرأت
ایدوب قنغیسنك مقابله ایلدیکنی کوره مدکرینی
شاهدلرك افاده ایتیمش اولدقلى استنطاقنامه ده
محرر اولسنه و بویه شقینه احتمالی اولان احواله
حکم قانونك متهمك لهنه تفسیری قاعده کلیه دن
اولدیغنی حالده محکمه جه بوجهت نظر دفته التامش

ایدوکنه مبنی اعلام مذکورک نقضی طلب
اولنمشدر .

سائر اوراق دعوی دخی قرائتله تدقیقات
تمیزیه اجرا اولندقدده مأموریت مشارالیهانک
سالف الذکر تبلیغنامه سنده در میان اولنان اعتراضات
بجا و نقض حکمی موجب اسباب قانونیه دن کورملکله
بر موجب طلب اصول محاکات جزائیه قانوننک
اوچوز اون دردنجی ماده سنده توفیقاً اعلام
مذکورک نقضه وایکوز غروش خرج اعلامک
بالتحصیل محکمه تمیزیه ارسالی لزومه ۱۲ کانون اول
سنه ۳۰۷ تاریخنده قرار ویرلدی .

فی ۴ رجب سنه ۳۰۹

وفی ۲۲ کانون ثانی سنه ۳۰۷

بغداد ولایتی استیناف محکمه سی جزادائرهنک
۲۲ صفر سنه ۳۰۷ و ۵ تشرین اول سنه ۳۰۵
تاریخ واون نومرولی اعلامیه اوراق متفرعه سی

باش مدعی عمومیک مأموریت علیه سندن ۱۷ صفر
سنه ۳۰۹ و ۹ ایلول سنه ۳۰۷ تاریخ وایکی بیک
اوچیسوز سکسان طقوز نومرولی تبلیغنامه ایله
محکمه تمیز جزا دائره سنه کوندرلدیکندن
اوقوندی .

اعلام مذکورک مالی خراسان قضاسنه تابع
خرانبان قریه لی خسو بن حاجی حسینک قتل
ایدلسندن طولانی جنایتله اتهام اولنان قضاء
مذکورک مضاف عباره نام محل ساکنلرندن فلاح
براک اوغلی طاهرک بعدالتقض اخیراً اجرا قلنان
محاکمه علیه سنده من غیر تعمد قتل مذکورک
اجتساری ثابت اولدیغندن مجرمیتنه وقانون جزانک
یوز یتیش دردنجی ماده سنده توفیقاً اون بش سنه
مدتله کورکه قونلمسنه حکم اولندیغنی حاوی اولوب
تبلیغنامه ده دخی اعلام سابقک اسباب نقضیه سندن
بررسی مدافعانک تدقیق اولندیغنه دائر اولوب
کرچه اعلام اخیرده شهود حقتده بیان اولنان
طعن قول مجردده قالدیغندن بحث اولنمش ایسه ده
اولبابده تدقیقات اجرا اولندیغنه ومتهم طرفنک
اثبات طعنندن اظهار عجز ایلدیکنه دائر صراحت
کوریه مامسنه نظر آجوهنک ینه مبهم کشدیرلدیکی
اکلاشلدیغندن بئله اعلام مذکورک نقضی طلب

اولنمشدر .

اوراق سائر دهخی قرائتله تدقیقات تمیزیه
اجرا اولندقدده تبلیغنامه ده سرد و اتیان ایدیلان
اعتراضات بجا و نقض حکمی موجب اسباب قانونیه دن
کورملکله برابر مجرمیت وتحدید جزا قرارلرینک
هیئت طرفندن امضا ایدلماش اولسی دخی کذلک
نقضی موجب اسبابدن بولندیغندن اصول محاکات
جزائیه قانوننک اوچوز اون دردنجی ماده سی
موجبجه اعلام مذکورک نقضه وایکوز غروش
اعلام خرجنک بالاستیفا محکمه تمیزیه لزوم ارسالنه
۲۳ کانون اول سنه ۳۰۷ تاریخنده قرار
ویرلدی .

فی ۷ رجب سنه ۳۰۹

وفی ۲۵ کانون ثانی سنه ۳۰۷

(اوچوز اتی سنه سی تموزینک اون بشنجی)
(بازار کونی ساعت اون یحق راده لرنده تقسیمده)
(کائن ملت بانجه سنک مستأجری صوترا کینک)

(اوطه سی سرقت قصدیه و آلت مخصوصه)
(استعمالیه آچورق ایجرویه دخول ایلدیکی)
(حالده اسباب مانعه حیلولتیه برشی اله مقسزین)
(فرار ایدر ایکن دردست اولنمشندن طولانی)
(مظنون علیه اولان یونان دولتی تبعه سندن)
(یورکینک اجرا قلنان محاکمه علیه سی)
(ضبطنامه سی صورتندن مابعد)

طورمقدده ایکن سابقه لی بر شخصک ایجروندن
قوشمقدده واهالیده تعقیب ایله طوتک دیو باغرمقدده
اولدقلرینی کورملکله طومتق ایستدیکی صررده
شخص مرقوم النی بلنه اتسی وکندوسیده قورقسی
اوزرینه مرقوم برفسلی رفیق ایله برابر سوقاغه
چیقوب فرار ایدرلر ایکن ارقلرندن قوشوب
سابقه لی بی طومتش ایسه ده فسلی فرار ایتدیکی
ومؤخرأ رفیقی آندون کله رک برلکده مرقومی
بانجه یه کوتوروب صوتراکی طرفندن پولسه تسلیم
اولندیغنی و او صررده مرقومک اوزرندن بر
موم چیقدیغنی کی فرداسی دخی بانجه ده صوترا کینک
اوطه سی یاننده براسقارپیله بولدقلرینی وکندوسی
مرقومک مذکور اوطه یی آچدیغنی کورمدیکی
وطوتدیغنی شخصک حضور محکمه ده بولنان

یورکی ایسه ده مرقوم اولوقت شاقه لی و مطروش
اولوب شمدی صقال قوبو یرمش و فس کیمکده
بولنمش اولدیفنی مضبوط افاده لری وجهله اخبار
و مذکور اسقار بیله ایله موم دائره امانتدن
استلیدیکی حالد مومک بولنه مدینی بیانیله بالکر
اسقار بیله کوندلرش اولدیفندن شهود مرقومه
ارانه اولندقدن کندولرینک بولدقاری اسقار بیله
دها بیوجک اولدیفنی درمیان ایلدیلر اخبارات
واحوال موجودیه قارشوته دیه چی مرقوم یورکیدن
دخی صورلدقه مذکور باغچه اصلا کیرمدیکی
وانحق تقسیمدن او طه سنه یواش یواش کتمکده
ایکن طومشار ایسه ده سینی بیله مدیکی و بولده
قوشمدیفنی و بیکار اولسی حسیله جینندن ظهور
ایدن مومی او طه سنه یاقق اوزره الدیفنی
وشاهدلرک افاده لری قبول ایتمه جکنی بیان ایله
انکار سابقده اصرار ایلدی تحقیقاتک بوندن
عبارت ایدوکی جانب ریاستدن بیان اولندقدن
معاون مومی الیه مرقوم یورکینک سرقت قصدیه
صوترا کینک او طه سی قیوسی اسقار بیله واسطه سیله
کشاد ایلدیکی و اسباب مانعه حیلولتیه برشی
اله میهرق فرار ایدر ایکن دردست اولندیفنی
اخبارات واقعه و معاینه راپورنی مندرجاتیه ثابت
اولدیفندن مجرمینه و وکیل مومی الیه دخی وقعه

زمانی مذکور باغچه زیاده سیله غلبه لک اولدیفندن
خارجدن برکسنه کلوبده صوترا کینک او طه سی
سرقت قصدیه کشاد ایتمک قابل اوله میوب اولسه
اولسه بونک داخلده بولنان صوترا کینک آدم لری
طرفندن یاییلمش اوله جفنی و چونکه مذکور
او طه یه کیروب چیقان شخصک موکلی اولدیفنه
دائر بر اخبار اولیوب شبهه اوزرینه دردست
اولنمش و بویه شبهه اوزرینه دردست اولنان
شخصک محکومیتی غیر جائز بولنمش اولدیفنی بالیان
برائت ذمتنه قرار ویرلسنی طلب و درمیان
ایتملریله ولدی السوال طرفینک بشقه دیه جکلری
اولدیفنی اکلاشلمغله محاکمه نک ختام بولدیفنی
بیان اولنهرق مذاکره او طه سنه کلندی .

طرفینک ادعا و مدافعاتنک استماعندن و اوراق
موجوده نک مطالعه و تدقیقندن صکره ترجمان
مومی الیه موسیو کیربوس حاضر اولدیفنی حالد ایجاب
کیفیت مذاکره اولندقدن هر تقدیر متهم یورکی
انکار جرم ایلمکده و وکیل دخی بروجه مشروح
مدافعه ایلمکده ایسه لرده مذکور او طه دن
چیهرق فرار ایدن شخصک بالتعقیب دردست
اولدیفنی و طویلان آدمک متهم یورکی ایدوکی
انکلو و اندون و ابوستول طرفلرندن حضور

محکمه ده مع القسم اخبار اولنمشه و اساس زورنالنده
دخی مرقومک اوزرنده موم و محل وقعه ده
اسقار بیله بولندیفنی محرر اولوب بوده اخبارات
مذکوریه نی مؤید بولنمشه و مذکور او طه قیوسنک
اسقار بیله ایله قارشدیرلدیفنی دخی عندالمعاینه
اکلاشلمسنه و وکیل مومی الیه ک مدافعاتنه کلنجه
هرکس او بونده اولدیفنی و مذکور او طه جوارنده
کسنه بولندیفنی برزماده فعل مذکور اجتناسار
ایدلش و علی الخصوص مرقوم او طه دن چیقوب فرار
ایدر ایکن دردست ایلدیکی اخبار اولدیفنی حالد
مرقومی براقوبده داخلدن سارق ارامغه و شبهه
اوزرینه دردست ایدلشدر دیمکه محل قلامش
اولسنه مینی مرقوم یورکینک انکاری واهی
و مدافعات مذکور دخی مردود اولوب مرقوم
یورکینک ذکر اولنان او طه قیوسی آلت مخصوصه
استعمالیه آچهرق فعل سرقت تصدی ایلدیکی حالد
اسباب مانعه حیلولتیه فعله کتوره مدیکی تحقق
ایتدیکندن مجرمینه متفقاً قرار ویریلوب اولباده
تنظیم اولنان قرارنامه علناً قرائت اولندقدن معاون
مومی الیه مرقوم یورکینک حرکتی قانون جزانک
ایکیوز اوتوزنجی ماده سنک علاوه سی موجبجه
ایکیوز یکرمنجی ماده سنه موافق اولدیفندن اولوجهله
تعیین و وکیل مومی الیه دخی تخفیف جزاسنی

طلب ایتملریله مذاکره او طه سنه عودت
اولندی .

جهت جزائییه سی حقنده دخی مذاکره کیفیت
اولندقدن مجرم یورکینک حرکتی قانون جزانک
ایکیوز اوتوزنجی ماده سنک علاوه سی موجبجه
ایکیوز یکرمنجی ماده سنه موافق اولدیفنه و علاوه
مذکورده فعل سرقت اجراسنه تصدی ایدوبده
ید اختیارنده اولیمان اسباب مانعه حیلولتیه برشی
اله مامش اولان خرسزلر حقنده تصدی ایلدیکی
فعلک درجه سنه کوره سرقت جزاسی اجرا اولنور
وماده مذکورده دخی هر تقدیر انسان اقات ایدر
محل اولسه و یا خود مسکون محله متعلق بولنمشه
بیله قبالی و دیوار ایله محدود اولان محللارک دیوارینی
دلهرک و یا نردبان ایله آشهرق و بالآلت مخصوصه ایله
قیوسی آچهرق خرسزلق ایدنلر موقتاً کورکه
قونیلورلر دیومحرر بولندیفنه مینی مرقوم یورکینک
بوعلاوه و ماده احکامنه توفیقاً و ابتدای توقیفی
اولان او چیوز یدی سنه سی ذی الحجه سنک اون
یدنجی کونندن اعتباراً اون طقوزنجی ماده قانونیه
منطوقنجه بعدالتشهر اوج سنه مدته کورکه
قونلنمشه و استنطاق و ضبط و اعلام خرجلریله
خدمه اجرت قدمیه سی اولان جمعاً یوز اوتوز بش

غروشك مرقومدن بالتحصيل عدليه وزنه سنه
تسليم ايتديرلسنه اوچيوزسكرسنة سي ربيع الاخيرينك
يكرمي دردنجي و اوچيوز التي سنه سي تشرين
نايسنك يكرمي دردنجي كوني كذلك ترجمان
مومي اليه حاضر ايكن متفقاً قرار ويريله رك علناً
تفهيمى اجرا و اصول محاكمه معين اولان
معاملات سائر دخی ایفا قلندی .

في ۹ شباط سنة ۳۰۶

اعلان

ارانوهي نام ديكر رالو قادينك $\frac{208}{17}$ نومرولى
اعلام موجبجه عاقابى قادينيه محكوم به دينى اولان

معلوم المقدار مبالغك تسويه سي ضمننده بك اوغلنده
حسين اغا محله سنده والده چشمه سي زقاغنده
سكسان بش نومرولى بر باب خانه ده التي حصه
اعتبار يله متصرف اولديني سدس حصه شايه سي
عندالمزايده بيك بشيوز غروش بدل ايله طالبي
عهده سنده تقرر ايتش اولديغندن تاريخ اعلاندن
اعتباراً اوتوز بركون صكره بدل مذكور
اوزرينه يوزده بش ضميله طالب اولنلرك بك اوغلى
بدایت محكمه سي اجرا دائره سنه مراجعت ايلملري
اعلان اولنور .

في ۱۵ كانون ثانی سنة ۳۰۷

اسماعيل حق افنديك $\frac{204}{23}$ نومرويه مقيد
درسعادت بدایت محكمه سي برنجي حقوق دائره سنك
اعلامى موجبجه متوفى بنايوط ذمتنده الاجني
بولنان معلوم المقدار مبالغك تأمين استيفاسيچون
مرهون وفروختي محكوم اولان عورت بازارنده

جانبازيه محله سنده طاتلي قيو زقاغنده واقع تخميناً
اوچ بيك بشيوز آرشوندين عبارت دروننده ايكي
بغچوان او طه سيله بر آخوري مشتمل بش نومرولى
برقطه بوستان كدكندن نصف حصه شايه سي
بوندن اقدم لى المزايده ليراي عثمانى يوز غروش
حسابيله يدى بيك غروشده طالبي عهده سنده
تقرر ايتش اولديغندن بوندين زياده يه يوزده
بش ضميله طالب اولنلرك ودها زياده معلومات
المق ايستيانلرك تاريخ اعلاندن اعتباراً اوتوز بر
كون ظرفنده دائره اجرايه مراجعتله بي سورملري
لازم كله چكي ومدت مذكوره نك انقضاسنى متعاقب
قرار قطعي سي كشيده قلنه جفندن اندن صكره ضم
قبول اولنميه چني درسعادت اعلامات نظاميه اجرا
دائرة سندن اعلان اولنور .

في ۳ شباط سنة ۳۰۷

مرحوم كوتاهيه وي زاده محمد عارف افنديك
نقود موقوفه سنك متولي سي سماحتلو حاجي محمد نورى

افندي حضرتلر ينك عايشه فطنت وخديجه خانم
ذمتنده قسمت عسكرى محكمه سندن ويريلان
في ۱۷ صفر سنة ۳۰۷ تاريخلى برقطه ادا نه حجتى
موجبجه الاجني اولان مبالغ معلومه نك تأمين
استيفاسى ضمننده مديونتان مزبور تانك عهده لرنده
اولوب مرهون وفروختي محكوم بولنان اسكدارده
ميراخور محله سنده ايازمه اسكله سي زقاغنده واقع
بش نومرو ايله مرقم فوقانى وتحتانى التي او طه
وايكي صفة وايكي ابدستخانه و بر كورك و بر
خطبك و اوالتي و بر عدد برمائى مشتمل هر وجهه
قوللانшли اخشاب بر باب ملك منزل بوندين اقدم
مزايده يه قونيله رق ليرا يوز غروشدين التي بيك
غروش بدل ايله طالبي اوزرنده تقرر ايتش
اولديغندن يوزده بش ضميله بوندين دهه زياده يه
طالب اولنلرك اشبو تاريخ اعلاندن اعتباراً اوتوز
بركون ظرفنده درسعادت اعلامات شرعية اجرا
دائرة سنه مراجعت ايلملري ومدت مذكوره
ختمانندن صكره طالبي عهده سنه معامله فراغيه سي
اجرا قلنه چني اعلان اولنور .

في ۵ شباط سنة ۳۰۷

متوفاه ليبيه خانم ورثه سنك شريفه صالحه
خانم ذمتده قسمت عسكرى محكمه سندن ويريلان
في ۲۵ رجب سنه ۳۰۸ تاريخي برقطعه اعلام
شرعي موجبجه الاجلري اولان مبالغ معلومه نك
تأمين استيفاسي ضمنتده مديونه مومي اليهانك
عهده سنده اولوب اسكدار حقوق دائره سندن
ويريلان اعلام ايله فروختي محكوم بولنان
اسكدارده يكي چشمه ده بلغورلي مسجد محله سنده
واقع يكرمي يدي نومرو ايله مرقم بر باب دكانك
نصف حصه سي بوندن مقدم مزايده به قونيله رق
ليرا يوز غروشدن ايكي بيك غروش بدل ايله
طالبی اوزرنده تقرر ايتمش اولديقتدن يوزده بش
ضميله بوندن دهها زياده به طالب اولنلرك اشسبو
تاريخ اعلاندن اعتباراً اوتوز بركون ظرفنده
در سعادت اعلامات شرعيه اجراء دائره سنه مراجعت
ايلملري ومدت مذكوره نك ختامندن صكره
طالبی عهده سنه معامله فراغيه سي اجرا قلنه جني
اعلان اولتور .

في ۶ شباط سنه ۳۰۷

عائشه خانمك ۲۰۶ نومرولى اعلام موجبجه
نسيده خانمه ديني اولان معلوم المقدار مبالغك
تسويه سي چون مديونه مزبوره نك بشكطائنده
شلك دده محله سنده مقدما نصف آحور اليوم
اخلامور دره سي زقاغنده التمش والتمش ايكي
نومرولى ايكي باب منزل ايله يوز قرق يدي
نومرولى آخوردده بدرى متوفى صالح اغادن
انتقالاً متصرفه اولديني نصف حصه شايملري
تاريخ اعلاندن اعتباراً اون بش كون صكره
بالمزايده فروخت ايتديريله چكي بك اوغلى بدايت
محكمه سي اجرا مأموري تي جانيندن اعلان
اولتور .

في ۶ شباط سنه ۳۰۷